



### **Rendaquint 2022 - rapports da revisiun**

Insembel cul büro da revisiun da quint extern Lischana Fiduziari SA, la cumischiun sindicatoria e la direcziun operativa ha la suprastanza cumünala discutà e tut a cogniziun dals rapports da revisiun dal rendaquint finanziel annual 2022. Il gremi ha deliberà il bilantsch ed ils rendaquints dal quint da gestiun e dal quint d'investiziun a man da la radunanza cumünala da rendaquint.

### **S-chodamaint central - dumonda d'attach**

La suprastanza cumünala ha approvà ün'ulteriura ed ultima dumonda d'attach vi dal s-chodamaint central chalur.

### **Aua da baiver - rimplazzamaint armaturas e manisaziun dal sistem da process**

Il sistem da process per l'aua da baiver as ha verificà e nu füss plü da stübgjar davent. Armaturas ed electronica han però da gnir mantgnüdas e da temp in temp rimplazzadas. Pels prossems ons esa da far quint cun rimplazzamaints necessaris da raduond 130'000 chf. Il gremi ha surdat quist'incumbenza da rimplazzamaint pel 2023 a la ditta Hach Lange GmbH, Rheineck per ün import da 16'852.55 chf.

### **Sarinera Zernez - reparatura maschdader - surdatta da lavur**

Il maschdader pro la marschaduoira da la sarinera Zernez es defet e sto gnir reparà. Quista lavur es gnüda surdatta a la firma Arnold & Partner AG, Schachen chi ha da seis temp eir furni ed installà l'indriz.

### **Cuschinai a Lavin - refacziun via champestra - surdatta da lavur**

La via champestra Cuschinai a Lavin es fingià daspö ons in ün nosch stadi. Impustüt la vetta fina sco eir las chünettas sun da rimplazzar urgiaintamaing. La lavur es statta büdschetada pel 2023 ed uossa gnüda surdatta a la firma Flura Agrar GmbH, Müstair.

### **Nettiar e dischinfectar reservuars (mantegnimaint) - surdatta da lavur**

Per garantir üna buna qualità d'aua da baiver esa necessari cha'ls reservuars dal Cumün da Zernez vegnan pulits e dischinfectats üna jada l'on. L'incumbenza es gnüda surdatta a la firma Aquagrischa AG, Clostra. Quistas lavurs vegnan fattas in collavuraziun culs impiegats da cumün.

### **Chünettas da fier - surdatta da lavur**

Chünettas chi sun ruottas o marschas vegnan dürant il mantegnimaint annual da las vias da god e champestras rimplazzadas. La furniziun da quistas chünettas es gnüda surdatta a la firma Spaeter Stahl & Metall, Cuaira.

### **Il Cumün da Zernez ha acconsenti ils seguaints permiss da fabrica:**

Parcella no. 0850, MEG Kasper, Zernez – annex e mür da sustegn chamonna

Parcella no. 0911, Hotel Parc Naziunal SA Il Fuorn, Zernez – renovaziun ed ingrondimaint sarinera pitschna

Parcella no. 0994, Depeder Ramon, Zernez – refabricaziun abitaziun prüm plan

Parcella no. 2016, Garage Nodèr AG, Susch – reclama dasper la via

### **Büro electoral per las votaziuns cumünalas e federalas dals 18 gün 2023**

La suprastanza cumünala ha elet il büro electoral per las votaziuns dals 18 gün 2023. Al büro electoral fan part: Domenic Toutsch sco president, Simon Rohner, Armando Roner, Ladina Rodigari e Stefan Bühler sco actuar.